

堅

瓠

集

堅瓠八集卷之三目錄

四時滿紅紅詞

李無競遇仙

親蛙求學

小兒勸誦

江上奴

鼓譟王教師

觀物吟

髮九姨

傅大士

蘇頌資

陳圖南

朱明

釣臺

收姓

天目山

謝疊山却衣

李方山

揚妃上馬橋圖

洞庭問怨

韓信領

李昇咏燈

蠹魚

踏災行

總兵對

募修五藏廟疏

姦女吹笛

美女燒香

美女踢毬

美人春睡

美人濯足

美人折花

美人騎馬

女兒落

箕仙

伏波祠

對客作語

杜鵬

辭職自述

邵康節詩

楊妃羅機

楊妃樹蘭

鍾自焚

阿呀歌

卷詩藏

惠柔侍兒

冰豆癥

感遇

銘心訓

祭半齒

病齒

無夢詩

足說

朱文公足疾

社酒治齰

湘東一目

眼謎

戲目

染鬚髮

罰飲

原缺

李無競遇仙

李無競入都調官至朱仙鎮見二句爭於道老嫗曰我終年勾乞聚錢數百此子將去半貳不償無競取緡如所逋與之句者謝曰吾實逋其錢君行路人償之以解吾關家在臨和曲筠柵青簾乃吾居也子能訪我當有厚酬無競異其言後入臨和果有簾柵入門見殿司者地爐共火堂上冠

帶者乃向句也揖無競坐曰可小酌禦寒
無競疑甚遜辭其人勸勸但濡唇而已時
方大寒盤中皆夏菓取小桃三枚伺者作
詩曰君子多疑卽多悞世人無信卽無誠
吾家徑路平如砥何事夫君不肯行無競
至邸視桃乃紫金因大海恨再訪之已不
見詢問皆無有知者無競琢其金爲飲器
年七十餘面色紅潤豈酒濡唇之力乎

觀蛙求學

松陵俞美長安期農家子也幼時父令送
秧踏死一蛙告其父曰我不拔秧矣父叩
其故答曰頃踏死一蛙挺身於道恍如人
狀因想人死亦猶蛙耳欲求爲出類之人
惟有讀書做官死後不至如蛙之湮沒無
聞也父異其言而無力延師遂游衍於村
塾聽其句讀一日忽動游學之念縱步而

往直至太倉州入一高門閹人問之云欲
借書讀閹人以其村章拒之適主人送客
出詢知其故遂留而俾師教之乃王鳳洲
也後學業日進携至都中一日虞人獲一
鹿諸大老競咏之鳳洲詩先成結句若不
佳改削再四終不怡意羨長曰余有二語
似可用鳳洲未之許諸老使吟之羨長口
雖無頭角異不與犬羊同衆共稱賞

小半筋謠

某善治生間市肉不得踰四兩名小半筋
人遂以小半筋呼之黃九煙周星曰此盛
德事也因爲長謠紀之市肉市肉震驚神
人乃公終身不飲酒窮年不茹葷今朝胡
爲忽市肉咄咄怪事疇可比倫解市肉市
肉爰聚童僕左手提銜右手啟櫝有銅如
金有錢如珎把授童僕不覺掩淚酸心解

童僕受錢愕胎相視長跪請命市肉寧幾

童曰一觔公怒欲捶僕曰半觔怒猶不已

童僕皇恐莫測公旨解匍匐再請聽公何

云徐伸四指曰小半觔小半觔者半觔之

半半而又半祿已踰算解僕乃前行公尾

其後側身躡足潛伏閭右僕詣肉肆錢付

屠手屠方鼓刀公突而前曰我市肉爾爲

我添一增再增肉重於權名小半觔不啻

六兩公挾僕婦大喜過望解肉已至家僕
欲持去公曰無遽談何容易比肉我當細
區分安得愴惶暴殄等兒戲爲我呼爨婢
此肉謹付汝汝其善煎烹一爲乾豆薦祖
考二爲饗客餉師生三爲君庖饜我口飫
我腹我與妻妾子女共咀嚼下及汝曹俱
彭亨貓鼠不得竊犬豕不得爭餘瀋滿注
缶轆金須用戛戛鳴珍重小牛觔此肉良

匪輕解市肉市肉震驚神人咄咄怪事疇
可比倫我聞東海有麒麟麻姑擘脯世莫
陳公之啖肉母乃啖麒麟吁嗟乎小半觔
觔我聞古有參龍人颺叔潛醢饗貢君公
之啖肉母乃膾龍肝披龍鱗吁嗟乎小半
觔我聞天厨內有熊蹯豹胎猩猩脊惟
辟列食羅八珍公之啖肉母乃啖熊蹯豹
胎猩猩脊吁嗟乎小半觔觔

江斗奴

齊亞秀著京師名娼嘗侍長陵宴出語人
曰知音天子也每唱到關目處卽爲舉卮
晚年有目疾女曰江斗奴以色藝擅聲宣
德間海內清謐上下皆以聲妓自娛英公
張輔尤奢忝嘗延三楊飲命斗奴佐觴二
楊頗降詞色西楊儼然南楊乃舉令各取
古詩句有月字在下者云梨花院落溶溶

月東揚云舞低易卻樓心月西揚云金鈴
犬吠梧桐月斗奴跪而請曰妾亦得句敢
言乎英公咄咄曰汝當歌各月母徒誦也
斗奴歌曰梨花院落光如雪犬吠梧桐夜
佳人楊柳樓舞罷銀蟾滿者春月者夏月
者秋月總不如俺尋常一樣窻前月諸公
稱賞西揚亦劇飲東揚至擁之膝連沃以
觥杯覆斗奴以羅裙覆之云血色羅裙翻

酒污英公叱曰總爲母狗害事斗奴應曰
妾所接皆公猴耳衆人大陳明旦三公各
以緋羅贈之西楊曰吾輩老矣猶爲尤物
所動況少年乎卽奏禁百官宿娼者除名
○堯山堂三楊與一兵官會飲文定唱令
各誦詩一句月分四時者令畢文定指席
中侍妓曰不可謂秦無人一妓遽成小詞
捧琵琶歌曰到春來梨花院落溶溶月文定

句到夏來舞低楊柳樓心月句敏到秋來
金鈴大映梧桐月句兵官到冬來清香暗渡
梅梢月句貞呀好也麼月總不如俺尋常
一樣窻前月諸公劇飲夜分而散

瞽識王教師

江斗奴演西廂記于勾欄有江西人觀之
三日登湯呼斗奴曰汝虛得名耳指其曲
謬誤并科段不合者數處斗奴恚留之乃

約明旦當來而斗奴不測以告其母明旦
亞秀設酒俟其來延坐告之曰小女藝劣
勞長者賜教恨老妾瞽不及望見光儀雖
然尙有耳在願望高唱以破衰愁客乃抱
琵琶而歌方吐一聲亞秀卽曰乞食漢非
齊寧王教師耶何以給我顧斗奴曰宜女
不及也客亦大笑命斗奴拜之留連旬月
盡其藝而去

觀物吟

永樂初道士鄧青陽羽隱居武當山之南
巖自言居武林時忘情消白日高卧看青
山動落花流水之機適閒雲幽鳥之趣遂
成意外不期然而然之句初無意於詩也
有觀物吟一卷中一絕云人生天地常如
客何獨鄉關定是家爭似區區隨所遇年
年處處看梅花其中所有可概見已

娶九姨

漢劉曄未第時娶趙冕長女早亡有二妹
復欲妻之曄曰若是武有之德固不敢求
如言禹別之州侯可從命蓋不欲七姨而
欲九姨也或曰諺云薄餅從上搗劉郎縱
及第豈得便揀點人家女子耶曄曰非敢
有擇七姨骨相寒薄不可爲婚遂娶九姨
生七子皆致貴顯

傅大士

凡寺中有輪藏者必供一傅大士問之僧
衆皆妄言無稽譌言長語載一詩云袈裟
新補片雲寒足躡儒鞋戴道冠欲肥三家
歸一輒捏沙終是不成團蓋譏之也俗云
其云道冠儒履釋袈裟正此而搜神記謂
其名翁義男幼通三教書自號善慧大
士此又不知何據

濟顛贊

元僧道濟風狂不飾細行飲酒食肉與市
井浮沈人咸以濟顛稱之始出家靈隱寺
僧厭之爲人誦經累有果証年七十三端
坐而逝人爲贊曰非俗非僧非凡非仙打
開荆棘林透過金剛圈眉毛厮結鼻孔捺
天燒了護身符落紙如雲烟有時結茅宴
坐荒土顛有時長安市上酒家眠氣吞九

州囊無一錢時節到來奄如脫鞵利
市八萬四千稱歎不盡而說得言
所以爲濟顛

陳圖南

群談採餘陳圖南莫知所出有漁人舉網
得物甚巨裹以紫衣如肉毬狀攜以還家
漑釜熱薪將煮食之盥水初熱俄雷電繞
室大震漁人惶駭取出擲地衣裂見生乃

從漁人姓陳名搏後藝祖召至闕問天下
始終事搏對曰一汴二杭三閩四廣再問
對曰非臣之所知也明鄭鏜題詩曰驢背
無心大笑還壺中有藥卧空山三閩四廣
英雄恨都付先生一夢間

徐仙

徐仙不知何代人常於萍鄉郭西山間煉
藥有黃犬廻旋於丹鼎之旁往返率以爲

常徐異之以紅線繫其頸視其所之至桐
坡枸杞叢中隱而不見但餘紅線在外卽
掘其叢得根如黃犬狀持歸蒸之芬香滿
室徐食之由此仙去今山上有徐仙亭題
詠甚多縣丞卓津題卜筮子訓云流水小
灣西晚坐孤亭靜不見高人跨鶴歸風水
搖清影○往古與來今休用重重省十里
梅花雪正晴孤月搖山冷○

宋明

春秋時刺客朱明幼喪父膂力絕人使氣
好鬪母撻之卽止臨終將所服之襖所持
之杖遺媳語明曰我死之後爾或剛狠生
事爾妻穿此襖持此杖來諫卽同母也母
逆我明受教後每與人競妻穿衣持杖前
唱曰母得起禍明遂納氣而歸雖挫於人
不較也今人不學朱明之孝而徒婦言是

聽惜哉

撲滿

撲滿卽今小兒積受罐以土爲之蓄錢之具可入不可出滿則撲之有聚而不能散者致有撲滿之敗可不戒哉鄒長倩贈公孫以撲滿一枚元艾性夫有撲滿吟云區區小器安足憐黃金塞塢臍亦燃求景瀛有撲滿說意皆謂此

釣臺

題嚴子陵釣臺詩甚多有無名氏詩云
范蠡忘名載西子介推逃難累山樊先生
正爾無多事聊把漁竿坐小村

改姓

嚴子陵本姓莊避顯宗諱改姓嚴子俞子
詩云千古英風想子陵釣臺緣此幾人登
誰知避諱更嚴氏灘與州名總誤稱

天目山

郭璞錢塘天目山詩云天目山前兩乳長
龍飛鳳舞到錢塘海門一點巽風起五百
年間出帝王及高宗中興建都天目及主
龍山至度宗甲戌山崩京城騷動時有建
遷蹕之議者未幾宗鼎遂移有人作詩云
天目山前水嶺磯天心地脈露危機西周
浸冷觚稜月未必遷岐說果非

謝疊山却衣

謝疊山被難北行劉洞齋華父送以寒衣
不受曰懼羅納阱何損麒麟反君事仇忍
爲狗彘凡勸吾入燕虜胸中不平而後死
者皆非忠於謀人者也寧作男兒死爾不
可爲不義屈豈敢曰將以有爲乎平生學
問到此時要見分明辱惠寒衣義不當受
大顛果聰明識道理胸中無滯碍何必受

昌黎先生衣服爲別耶小詩寫心謾發一笑平生愛讀龔勝傳進退有亡斷得明范叔綈袍雖見意大顛衣服莫留行此時要着英雄樣好漢應無兒女情只願諸賢扶世教餓夫含笑死猶生

李方山

萬曆中湖廣桃源李方山相自負能詩每與其仙聞捷不能勝因限曾登能韻索詩

于仙仙卽題曰爲報西樓滅掃曾謫仙還
向此中登百篇斗酒聊乘興借問方山能
不能李始屈服

楊妃上馬嬌圖

元陳伯敷釋曾題楊妃上馬嬌圖云此索
清平調詞赴沉香亭時耶抑闡漁陽鼙鼓
聲走馬嵬坡時耶上馬圖相似情狀大不
同觀者當審諸明桃源李沅南春熙十歲

時題其圖云未上先愁陸方行遽欲還如
何生畏馬死焚馬嵬山

洞庭閨怨

吳俗洞庭凡閨中藥砧半作浮梁蕩子吳
耳淵作閨怨云征人別我去荆都爲道春
來便返吳昨見陌頭桃已發不知春亦到
荆無又寶鏡春寒掩不開漫山紅紫亂成
堆征人不及梁間燕落盡楊花未肯回

韓信嶺

韓苑洛有韓信嶺踏莎行云高嶺連雲寒
烟帶雨長楊滿路悲風起將軍墓上草蕭
蕭荒祠白日眠狐鼠九里山前未央宮裏
夢涼往事煩胸臆身江別水兩悠悠東流
不盡英雄淚且云欲弔淮陰而原忠之詩
甚疑乃製小詞淮陰欲弔思遲遲已有原
忠壁上詩黃雀樓前無李白西風惆悵寫

新詞又御史楊受堂詩云將軍傳首日高
帝整齋年天下誰爲定英雄不自全固知
果女前識亦松賢古朝重經處傷心狗
兔篇緝山楊詩遙憶當年扣關生將軍
心事自分明可憐宇宙無高恨盡在中宵
悲刺聲秋齋周宣詩虎關龍爭日擾攘英
雄堪笑亦堪傷項上畢竟無他志齊破何
疑乍假手月是龍類似身隊幾曾身盡必

方藏荒殿一點淒涼月夜夜移光到寢堂
廟中題咏甚多或咎淮陰不能如蘇松或
謂不當假王以啓疑或云遲疑以招禍不
知天下已定剪略震王高帝蓋無一目能
忘情於淮陰不至身首異處不已也嗚呼
淮陰之心則如青天白日云

李昇咏燈

徐州李密揚行客裴爲子九載時在徐州

家令詠燈昇云一點分明值萬金閑時誰
怕晚風侵子公若也勤挑爇敢向尊前不
盡心由是不以常見待之長乞溫胃姓名
爲徐知詰代溫秉政受楊禪僭帝號

蠹魚

讀書不識文理爲蠹而已明郭登咏蠹魚
云墳墳如何也賦形雖無鱗甲有魚名元
來全不知文義枉向書中過一生

踏災行

亥介字可潛有踏災行云有一老翁如病
起破衲襤褸瘦如鬼曉來扶向官道傍哀
告行人乞錢米時予捧檄離江城邂逅一
見憐其貧倒囊贈與五升米試問何故爲
窮民老翁荅言聽我語我是東鄉李福五
我家無本爲經商只種官田三十畝延祐
七年三月初賣衣買得犁與鉏朝耕暮耘

受辛苦要還弘債輸官租誰知六月至七月雨水絕無潮又竭飲求一點半點水却比農夫眼中血滔滔黃浦如溝渠農家爭水如爭珠數車相接接不到稻田一旦成沙釜官司八月受災狀我恐徵糧喫官棒相隨隣里去告災十石官糧望全放當年隔岸分吉凶高田盡荒低田豐縣官不見高田旱將謂亦與低田同文字下鄉如火

連逼我將田都首伏只因嗔我不肯首却
把我田批作熟太平九月開旱倉主首貧
乏無可償男名阿孫女阿惜逼我嫁賣陪
官糧阿孫賣與運糧戶卽日不知在何處
可憐阿惜猶未笄嫁向湖州山裏去我今
年已七十奇饑無日食寒無衣東求西乞
度殘喘無因早向黃泉歸旋言旋拭腮邊
淚我忽驚慙汗沾背老翁老翁復勿言我

是今年檢田吏

總兵對

一總兵門對門迎珠履三千客戶擁貔貅
百萬兵一人云總兵出征必輸人在內者
少在外者多改戶擁貔貅兵百萬門迎珠
履客三千方善湖廣一總兵得勝回綵旗
迎者千百一教官有天下有名真宰相世
間無比大將軍總兵太喜贈二婢

募修五臟廟疏

張山來募修五臟廟疏文云蓋聞神卽吾
心必敬神神斯如在命爲爾主能順命命
乃克昌欲祈廟食之不窮端賴人緣之畢
集茲有五臟神廟一所形居腹地勢近靈
臺厥義配乎五行水火木金並依夫土其
地分爲五位上下左右悉擁夫中得之則
生而不得則死詎宜鄙作淫祠饑來斯食

而不平斯鳴豈可稱曰左道神奇化爲臭
腐妙用無窮耕助以供糗盛禮儀卒度萬
方共賴百姓咸依巍巍殿宇創自人生於
寅之年赫赫威靈壞於山上呼庚之日六
根公淨一雙耳枉聽晨鐘四大皆空九廻
腸徒鳴法鼓吸露食風聞之流涕蒙袂輯
屨見者傷心蓋廟存則神有所附而人似
花容廟圯則神無所憑而民多菜色用是

益深畏懼亟望重修但臣饑飲死難逢雨
粟之天米貴如珠愧乏飯糲之術叩告諸
方檀越敢希共賜慈悲隨緣多寡卽一粒
大並須彌任意精粗在十方皆堪供養敢
期見於面而益於背庶幾目有見而耳有
聞從此撐腸作柱群瞻美奐而美輪奐石
爲梁曾見攸寧而攸芋半畝荒園更可植
鑽籬之菜兩傍隙地還堪種梭水之花定

然腹有攸歸豈止神其不吐

鄰女吹笛

高賓王 觀國 聞鄰女吹笛賦風入松詞曰
粉嬌曾隔翠簾看橫玉聲寒夜深不管柔
蕩冷櫻朱度香噴雲鬟霜月搖搖吹落梅
花款款驚殘 蕭郎且放鳳簫問何處停
鸞靜聽三弄霓裳罷魂飛斷愁裏關山三
十六官天近念奴却在人間

美女燒香

李在躬萬花金谷集有美女燒香詩三寸
弓鞋步翠苔想應天竺蒸香來眸凝秋水
波初動掌合金蓮花未開腰細緩搖春日
柳臉紅猶帶雪天梅不知暗祝緣何事斜
把金釵揀一作冷灰

美人踢毬

蹴鞠當場二月天香風吹下兩嬋娟汗沾

粉面花含露塵拂蛾眉柳帶烟翠袖低垂
籠玉笋紅裙曳起露金蓮幾回踢罷嬌無
力快殺長安美少年

美人春睡

象牙筠簾碧紗籠綽約佳人睡正濃半抹
曉烟籠芍藥一泓秋水浸芙蓉神遊蓬島
三千界夢遶巫山十二峯誰把暮聲驚覺
後起來香汗濕酥胸

美人濯足

宸濠咏官妃濯足濯罷銀盆雪欲飄橫脫
膝上束鮫綃匪來玉笋織織嫩放下金蓮
步步嬌踢碎香風拋玉燕踏殘花月上瓊
瑤五更索向鶯鶯枕勾引郎官去早朝

美女折花

關雎長語有美女折花詩云梳罷雲鬟出
戶來輕移蓮步海棠堦臨風折處香生手

對日看時影在懷
蜂簇露華凝翠鈿
蝶隨春色上金釵
曲闌干外首痕濕
歸去多應換繡鞋

美人騎馬

王西樓以樂府擅名如擬美人騎馬云
露玉筍絲韁軟把
靦金蓮寶鏡輕踏
裙拖翡翠紗扇掩
泥金畫似比昭君
只少面琵琶
天寶年間若有他
却不把三郎愛殺

女兒港詩

曾學士榮集曉集絕似唐曹以寧校文江
西舟迴泊鄱陽湖女兒港舟人問曹讀何
書曹呵之舟人曰予少從曾學士泊此港
有詩甚佳曹索一誦舟人即誦曹書之詞
言長語中詩云彭蠡湖邊女兒港秋水未
乾湖永長女兒一去今幾秋時有行人來
繫舟岸柳江花濕紅翠柳如顰眉花濺淚

茅屋參差石徑斜。港口人烟凡幾家。當初
知是誰家女。後來嫁作誰家婦。嫁時湖上
墮方鞋。至今尙想凌波步。我欲回頭問小
姑。小姑迢迢隔重湖。我欲從前大姑問。大
姑默默疑新恨。紅顏薄命真堪惜。女兒名
姓無人識。年去年來湖水春。空使行人弔
陳迹。君不見古來大丈夫。老死湖山名亦
無。此詩集隄集中不載。豈非滄海遺珠。

箕仙

一人請箕仙仙至自云何仙姑一顧重戲
問曰洞賓先生安在箕卽題云開口何須
問洞賓洞賓與我却無情是非吹入凡人
耳蓬丈長河洗不清其敏捷如此

伏波祠

明辰陽輝使彭飛能詩題桃源伏波祠云
岳王廟下難來補千古人思武穆忠今日

拜公江上廟。願將頑鐵鑄梁松。結語甚有
思致。

對答佳句

黃夢炎十一歲鄉先生出一對云少甘羅
之一歲早已能文對云加孔子之數年可
以學易。黃炳辭武舉答云舉子忙槐花
黃早已覺壯心之動時文熟秀才緣要須
取本色而歸。

杜鵑

吳康齋

與弼

作詩學性理唯杜鵑詩有情

景詩云西川如景自忘歸啼到江南意却
悲古樹淡烟殘月曉落花疎雨暮春時空
遣蜀帝千年恨誰讀唐人再拜詩欲向青
山一相問數聲不盡又何之

辭職自遣

劉伯溫辭職自遣作詩云買箇黃牛學種

田結間茅屋傍林泉因思老去無多日且
向山中過幾年爲吏爲官皆是夢能詩能
酒總裨但世間百事都增價老了文章不
值錢

邵康節詩

邵康節詩云老年軀體素溫存安樂窩中
別有春萬事去心閒偃仰四肢由我任舒
伸庭花盛處涼鋪簟簷雪飛時軟布衾誰

道山翁拙於用也能康濟自家身

楊妃羅襪

羣談採餘有楊妃羅襪詩仙子凌波去不
還獨留塵襪馬嵬山○可憐一掬無三寸踏
盡中原萬里翻

楊妃病齒

失草廬題楊妃病齒圖云齒痛自顰眉君
王亦不知此疾如早割○何待馬嵬時○又馮

海菜子蘇云華清宮一齒痛馬嵬坡一身痛漁陽鼙鼓動地來天下痛想頭顱

鑷白髮

蔣復軒鑷白髮詩勸君休鑷髭毛斑髭到斑時亦自難多少朱門年少子業胡一作風吹上北邙山一作詩張又寧王詩云黑髮叢中白數莖幾番鑷盡白還生而今白也山他日那得閒工與白爭

阿呀歌

客持玉簪示村嫗李曜菴從旁戲曰嫗可
得之以飾首嫗驚聳移時歎手告曰此笑
質重器雖供壓雲鬟伴翠鈿非嬌姿妙麗
真敢御然或稍失檢點乎然墮地不復凡
余此阿呀簪也何以見給感其言是以警
世作阿呀歌以廣之如蘇學士之題春夢
婆云坐上客莫諠譁停尊靜聽歌阿呀秋

江渺渺悲遷客青衫在淚濕琵琶曾傳客
雁啼鳥曲戰馬空嘶關塞猶回首奸雄如
夢散當筵勿進魚陽搥阿呀二字鞭心處
利爪當胸着瘰癧此好箇團團混沌忽朝
鑿破血蝦蟆阿呀南侯北順難修補却仗
娉婷一女媧阿呀揖讓征誅乖樣子卡王
萬帝藐如麻阿呀周公拮据易戕室尼父
西皇伯喪家阿呀此望長生彼解脫青牛

過了白牛車阿呀長條直路平坦坦跌脚
泥貪徑邪阿呀遊子亂臣失御婦止緣
一個念頭差阿呀剖心割股忠和孝挖肉
成瘡也有疤阿呀你道恩情權寵盛看來
帶鎖重披枷阿呀平添白髮三眠柳吹落
紅顏半夜花阿呀電閃光中營利祿爆聲
撒處逞榮華阿呀彩雲虹散終成雨白王
帽來便是灰阿呀坐上客莫喧譁燒銀蠟

進流霞老去固可惜少年不須謬富貴何
足羨貧賤勿咨嗟青青庭下草猶自有根
芽你看何物爲長久你能不死你奢遮勸
君早把靈臺照莫待臨行喚阿呀

營壽藏

范石湖重九日行營壽藏之地賦詩曰家
山隨處可松楸荷鍾搗壺似醉劉縱有千
年鐵門限終須一個土饅頭

惠柔侍兒

何衣綰桌任館閣飲於貴戚家侍兒惠柔
麗而黠慕何風姿密解手帕爲贈約牡丹
開時再集何感其意歸賦虞美人曲隱其
小名以寓纏綿云分香帕子揉藍腹欲去
殷勤惠重來直到牡丹時只恐花枝知後
故開遲別來看盡閒桃李日日闌干尚催
花無計問東風夢作一雙蝴蝶遶芳叢

詠豆娘

唐陳黯甫十歲能詩年十三袖詩謁郡牧
其首篇咏河陽花時面豆新愈牧戲令自
詠卽云玳瑁應難比斑犀定不如天嫌未
端正滿面與粧花由是名振州里

感遇

九悔菴先生感遇詞調寄潯江紅我醉欲
眠且收了張光青白分付與死使埋我陶

家之側天下山川吞八九腹中人物容千
百任諸君拍手笑狂生乾坤窄破面鬼
焦頭客福建子山東賊問何人請劍何人
投筆我夢化爲蝴蝶舞醉來敲破珊瑚玦
歎一腔熱血酒何時青衫濕

○銘心訓

張亦山銘心訓云人求我○我○非土○却是土○我
求○人○非金○勝是金○人求我○勢急如星火○我

求○人○熱○面○冷○如○冰○人○求○我○他○苦○卽○我○苦○我○
求○人○我○親○他○不○親○人○求○我○時○刻○要○結○果○我○
求○人○終○歲○不○能○成○人○求○我○大○事○當○小○做○我○
求○人○小○事○大○人○情○人○求○我○朝○成○暮○不○顧○我○
求○人○猶○狗○是○天○尊○人○何○人○今○我○何○我○人○皆○
伶○俐○我○獨○蠢○我○何○我○今○人○何○人○何○不○將○心○
去○比○心○千○變○萬○化○憑○他○做○到○頭○各○自○有○調○
停○占○盡○便○宜○同○一○死○留○個○惺○惺○教○子○孫○

祭半齒

俞君宣琬綸齒重嚼去半齒埋之王園梅
花下因摘花祭之泣而告曰三十年辛苦
爾嚼之二十年酸味爾嚼之千萬斛愁係
爾齒而忍之徒有飲聲不識笑也爾固賤
骨也賤愈可憐賤莫如馬馬骨猶埋矧爾
乎下花下少行人處理爾爾以花木覆
爾以花瓣沁爾以花露護爾以花神弔爾

爲斧鑿穴爲堂草雨爲芳膠蜂蝶爲死友
使寒微片骨雖賤能香復憾來生毋墮素
軀也○憶惟吾生三十有四此日何日齒
落之始毛骨無恙半齒已死人間烟火爾
先獲沈言語因咎爾先謝委吾本滋毒七
神所忌半遠舌者俾先脫穢半近舌者墮
業未已若有深意微示衆齒半雖未已方
衆則迴寒寸搖動旋將繼此誰料一齒落

之二通况本分者是惡是倚

病齒

沈君烈承家病齒云三日對書不能讀
支頤搖首雙閉目半口無骨微覺肉涎流於
面下及腹老大不好作兒哭回聲強笑吻
角繇欲設痛喻無其狀略似鉅斧斫濕木
嗟乎此牙咬菜豉豆粥世間殘弱學不熟
貴人名字呼奴僕得毋以此消齒福所以

齒中有鬼伏

○無夢詩

僧無夢、將方抄化、手持大木牌、題詩二絕、
曰：心爲車、分身爲軾、車動軾隨、何意思、交
梨火、棗是誰、無自是不爲荆、與棘、身爲
客、今心爲主、主人和平、客安堵、若還客主
不康寧、精神必定隨君去、正心養生之道、
不過如此、可爲終身誦之、

足說

金長文昌號遼園有足說云脚者却也謂却而勿前也跟者艮也謂艮而勿動也趾者止也謂止而勿行也蹠者退也謂退而勿進也步之爲言近於驟而文則從止也履之爲用貴於屨而義則從復也先啓予手後啓予足者志存於臨深履薄也旣洗足已敷座而坐者道盡於着衣持鉢也

朱文公足疾

朱晦翁有足疾得程道人鍼之而愈戲贈
以詩云十載扶行持短筇一鍼相值有奇
功出門放步人爭看不是前來勃率翁旋
而足疾復作遣人追之曰某非惜所謝之
財第恐以此詩而誤他人也

杜酒治聾

世言社日飲酒治聾不知何據石林燕語

五代李潛春社從李昉求酒詩云社公
日沒心情爲乞治韓酒一瓶惱亂玉堂
將從邇狹稀巡到第三廳時昉爲翰林學
士有月給內庫酒故潛從乞之

湘東一目

潁川王偉有才學爲侯景左僕射景敗見
禽上五百字詩於元帝帝愛其才欲捨之
朝士多忌請視偉檄文云項羽重瞳尚有

身江之敗湘東

湘東王封

一目

寧

爲赤縣所

歸帝見大怒釗偉舌於柱而殺之

眼謎

魏咸陽王元禧謀反遁走左右惟尹龍虎
從之禧昧不知所爲謂龍虎曰吾瞶瞶不
能堪試作一謎當思解之尹疑憶舊謎云
眠則俱眠起則俱起貪如豺狼賊不人已
禮不以爲諷已因解之曰此是眼也

鐵目

沈君烈鐵目文云癸亥之春沈子迎暄立
於庭前是日風作有聲翼然觸壁而闕撲
于睫間初滅沒而無端漸猙獰而活焉啄
睛欲破摩睺欲笄瞬如怒電淚如乳泉垢
蒙敗棘之絮氣吞濕突之烟凡旬有五日
而不得愈乃爲文而告之于天其辭曰臣
目無良造於臣面日罪山積臣實不見荷

降之罰省其一線比日以來偶觀房稿畢
竟以此開罪不小臣今求哀懺悔歎其罪
而請請房稿之中皆新貴名臣目何爲輒
敢注貽房稿之文紙皆五色臣目何爲輒
分青白其有巍科卓冠羣雄目或鄙夸不
抵枝蕊其有虛譽盛傳俗下目或嬉笑酷
於怒罵出子人史錢所萬選目或裂眦斥
爲花臉離經叛詎犬所吠日目或刮膜出

爲上卷長才累牘目送而去或疵其篇或
駁其句高言其實目攝而忘或棄爲灰或
淡爲湯或按書旨抹筆如矢或按題神惜
圈如珍或所看法但法先輩不知變通與
時俱辭或所識字但識古初不知權宜依
椽胡盧或信耳鼻應作是觀目乃極權別
用自專或相皮毛旣竭爾力目迺遁精別
具一隻諸如此類不可擢髮無光不出無

釘不拔此皆臣有以養成其驕氣而目亦
無以自解於薄罰自今懺悔而後願一心
皈命於遮眼之菩薩誓不敢較長量短激
濁揚清惟國門一字之爲貴而名經千佛
之爲尊抑或不然將起而訝其生平乎紅
粉之粧靚姝之飾有目以來未蒙拂拭也
或於夢遊稍感其魄曲鑑之迷珠簾之映
有目以來未蒙申敬也或於憑高稍蕩其

恠請銅之腥黃金之氣有目以來未經受
記也或於市肆稍薰其涕名山異水之觀
奇花珍木之蓄有目以來未經干瀆也或
於卷編稍消其福苟其以此而坐目以罪
狀求目以深文臣固知天之不忍也臣之
目亦且泣下如雨而不知所云

染髮

劉禹錫云近來年少輕前輩好染髭鬚作

後生則是染髮自唐已然至元史天澤則
涅白髮爲烏世宗訝之天澤曰臣覽鏡見
鬚髮頓白恐報國之心自以老怠故藥之
使不異於少壯庶此心之猶競耳杜牧之
云公道世間惟白髮貴人頭上不曾饒天
澤又矯揉而使之黑以固其寵綏則白髮
亦無如天澤何矣

罰飲

罰飲從古有之周禮觥其不敬者觥罰爵也檀弓杜蕢揚觶而酌師曠李調註觥罰爵也說文侯與大夫飲使公乘不仁爲觥政曰飲不矚者浮以大白及舉白浮君註白罰爵之名浮罰也一說諸罰爵之盈滿而浮泛也白者舉觶告白之意陳後主令張貴妃等預製五言詩令孔範等十客一時繼和遲則罰酒諸書所載罰飲之

說甚多不能悉舉然罰飲之數多限以三
吳諺謂客來遲罰三鍾未始無本韓安國
作几賦不成罰三升蘭亭之會王子敬詩
不成罰三觥景龍文館記御詩序云人題
四韵後者罰三盃又郝隆不能詩罰依令
谷酒數是三斗至杜少陵自罰深杯亦不
辭特極言之耳註引桑又在江總席上曰
雖深杯百罰吾亦不辭爲証